



N°5635  
Reçue le 31.01.2022  
Déclarée recevable  
Président de la Chambre des Députés  
(s.) Fernand Etgen  
Luxembourg, 31.01.2022

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 31/01/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Bannenzeg Sécherheet & Justiz weiderzeleeden.**

Wéi een an engem Tageblatt-Artikel vum 29te Januar liese kann, gëtt et hei am Land Schéissstänn, wou Policebeamten, Zaldoten a privat Sécherheitsbeamte kënnen den Ëmgang mat Waffen trainéieren an taktesch Übungen maachen. D'Firma, déi d'Schéissstänn bedreift, bitt doriwwer eraus awer och Trainingen fir Praktiken un, déi zu Lëtzebuerg net erlaabt sinn, a fir déi d'Clients dann an d'Ausland ginn. De Präsident vun der Policegewerkschaft ass am Tageblatt-Artikel ganz kritesch, wat dës Schéissstänn an Übungen ugeet: "Taktik verkauft man nicht" an "Das ist also nicht nur ein nationales, sondern sogar ein internationales Sicherheitsproblem" (Zitat Pascal Ricquier).

An deem Zesammenhang wéilt ech de Ministeren dës Froe stellen:

1. Wéi gesinn d'Ministeren esou d'taktesch Übungen, déi zu Lëtzebuerg ugebuede ginn? Wat ass d'Base légale fir dës Trainingen?
2. Wéi gëtt séchergestellt, dass déi Professionell, wann se dann op esou Stänn ginn, just Praktiken léieren, déi laut Gesetz och erlaabt sinn?
3. Wëssen d'Ministère vu Beamten an Zaldoten, déi dës Schéissstänn notzen?
4. Wéi stinn d'Ministeren dozou, dass esou Firmen Servicer ubidden, déi zu Lëtzebuerg net erlaabt sinn, a fir déi si hir Clients aus Lëtzebuerg dann op Plazen an d'Ausland dirigéieren?
5. Mam Gesetz vum 20te Januar 2022 goufe verschidden Ännerungen virgeholl, wat den Ëmgang mat Waffen ugeet. Ab wéi engem Alter dierfe Persounen op engem Schéissstänn, wéi deem am Zeitungsartikel ernimmt, trainéieren?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)